

(a) *Opinio maior veritate.*

**O** Cecas hominum mentes, & inania veri  
Pectora! quid recta cupimus ratione, fugae  
Quis modus? unde auida culpata licentia mentis?  
Et labor infelix, & inanis fabula vitae?  
Vota modum superant, animo grauiora timemus  
Quam patimur, sensusque ipsos metus acrius urit  
Quam dolor, optati frustra est spes magna laboris,  
Deceptaeque preces paruis mens agra fatiscit  
Casibus, & rebus nimium sufflamur amicis.  
Nulla animi requies, nusquam pudor, aut modus, aut lex.  
Insani affectus, & rara modestia voti.  
Fallimur ad veri faciem, nocituraque magnis  
Thura rogis, tristesque aris incendimus ignes:  
Mox mortem, & vacui regnum trepidamus Auerni.  
Quid mors est aliud, nisi meta nouissima vitae,  
Pax animi, sopor aeternus, sedesque quietis?  
Hanc tamen, heu miseri, fugimus, turpemque senectam  
Optamus, morbosque diu toleramus inertes,  
Aut probrum, & lesa damnum immedicabile fama.  
Nec minor ille furor, viridis qui prima iuuenta  
Tempora, natuumque decus, genique vigorem  
Euigilat, studys totosque impendere soles  
Nititur, & steriles chartis transmittere noctes.  
Scilicet ut tarda cineres ingrata sequatur  
Fama tuba, & rari merces non magna laboris,  
Nomen inane Sophi, durusque in imagine macra  
Archetypus inter media statuaris in arce.  
Interea miseris tacito pede defluit aetas,  
Labuntur dulces anni, & permissa iuuenta  
Gaudia, & incautos fugit illibata voluptas.  
Hinc morbi excipiunt, seseque inopina senectus  
Præcipitat, tristique subit mors atra paratu.  
O male quaesita laudes, ridendaque fama  
Ambitio, & vana miseranda insania voti!  
Is quoque, quem turpi miserum damnavit amore  
Cynthia, & infamem iussit seruire furorem,  
Crimen amat domina, fedaque in corpore mendas  
Dissimulat, purgatque super, vitiumque relatu  
Corrigit in laudem, verbisque inuoluit honestis.  
Ille quidem fictos cultus, medicataque miris  
Ora, genasque modis, pulchraque sub ægide sædos  
Observat vultus, omnique in corpore novo  
Turpius ingenium, vitium tamen omne puellis  
Cecutiens ignoscit amor, captiuæque blandæ  
Pectora perpetuis premit imperiosus habenis.  
Non rarum incauta crimen videt ecce marita  
Infelix coniunx, violatæque sacra cubilis  
Senserat, & toto passim vestigia lecto  
Senserat, atque oculis multum indignantibus hæsit:  
Mox tamen hæc vidisse negat, lacrimisque coactis  
Flectitur, & sensus demens incusat iniquos.  
At quem fastosa despexit ianua mæchæ,  
Voluitur ad postes humilis, foribusque superbis,  
Supplicat, & surdum limen male sanus adorat.  
Famina qua tanti graue & illeabile munus,  
Igne datum contra, raptisque ex æthere flammis  
Ira Iouis, prauum natura, ac debile corpus,  
Nequitiaque capax, solaque libidine sorte.  
Ergo operæ precium totos distendere rictus  
Democriti, longosque diu ridere cachinnos,  
Aut flere æternos oculis humentibus imbres.  
Nil veri solidique manet, rapit auis omnes  
Error, & humanas moderatur opinio mentes.

(b) *Ver, anni tempus præstantissimum.*

**P**rima data est olim sanctis mortalibus ætas  
Aurea, degeneri nondum vitata metallo,  
Æternus cui veris honos, semperque virentes  
Arboribus frondes, lætoque in gramine flores  
Perpetui, & dulces natui ruris odores.  
Tunc & dignati nostras bona numina terras  
Incolere, & pariter socios habitare recessus,  
Indigitesque Dei fata tellure creati.  
Improba sed postquam plebes, vulgusque prophanum  
Expulerant diuos orbi, terrasque nocentes  
Ultima damnarat virgo, tum denique tristis  
Cæpit Hyems, nudumque gelu spoliauerat annum,  
Fratoque grauis latrauit Syrius astro.  
Formosus perit ille decor, mutatæque vitæ  
Gaudia, & attonitum Phæbus male temperat orbem.  
Illi Erigones sudat canis, & labor ardet  
Herculeus, nimique æstus, hinc improba vincunt  
Frigora, & ignaue riget inclementia bruma.  
Parua tamen nobis veteris vestigia vitæ  
Ver præbet, placidi pars indulgentior anni.  
Talis erat quondam primis habitata colonis  
Temperies: sic sponte sua, non iussa virebant  
Omnia, & Elysij etiamnum ea secula campis.  
Jam noua formosi laxatur gloria veris,  
Pulcher & aspectus rerum, viret undique tellus,  
Nusquam nuda comas arbor, stat gramine multo  
Diues humus, pictique alternant undique flores:  
Augeatur cæli decus, & iucundior aër  
Tranquillum spirat, Zephyroque afflata tepenti  
Prata benigna iacent, virides atque omnis in herbas  
Surgit humus, variæque solum discrimine signat:  
Natiuus blanditur honos, luxuque carentes  
Delitiae, viuoque animantur prata colore.  
Jam puer Idalius regnat cum matre Dione,  
Atque phætrati fratres, gens mollis amore:  
Ipse bonus terram secundo rore maritat  
Iupiter, & dulci descendit plurimus imbre.  
Iam volucres, pecudisque ipsas, & dura ferarum  
Corda relaxat amor, placidoque per omnia seuit  
Imperio, & focio docet emansuere lecto.  
Crescunt in venerem plantæ, fit fertilis arbor,  
Spemque suam gravidas olim promittit aristæ  
Fætus ager, distatque auidis rata vota colonis.  
Quin & corporibus nostris clementior aura  
Influit, & venas blandè demulcet hiantes,  
Integratque bonum vitalis sanguinis haustum,  
Per sensus, corpusque micat vis enthea Veris,  
Humoresque malos mouet, & damnoza recludit  
Otia morborum, testumque examinat hostem.  
Inde eadem virtus totas operata medullas,  
In mores animumque fluit, vitamque seueram  
Mitigat, & molli cogit mitescere cultu.  
Magne parens florum, placidi monstrator honesti,  
Sæcula qui primæ reddis felicia vitæ,  
Nobile ver, multum votis & ubique petite,  
Sæpe redi, lentusque mane: tibi vellere toto  
Concedet Phryxi ductor, cælumque remittet  
Cancer, & irati cunctabitur ira Leonis.  
En tibi floriferi genitabilis aura fauoni  
Spirat odoriferos fructus, cælumque renidet  
Blandius assurgens, dulci inuitat amictu.  
Te vitæ melioris opes, te terra debiscens  
Expectat, grandique manet natura paratu.